

TEZAU LITURGIC
10 FEBRUARIE

CANONUL
SF. MUCENIȚE
VALENTINA
DE LA
CEZAREEA
PALESTINEI



MOSCOVA, 2000



Канон

Святой мученице Валентине Кесарийской

Песнь 1, глас 8

Ирмос: Поим Господеви, проведшему люди
Своя сквозе Чермное море, яко един славно
прославися.

Припев: Свята́я му́ченице, Валенти́но, моли́
Бо́га о нас.

Влечёт к песнопению премирных воинства, и
земных лики, всехваляная отроковица, чудесы.

Доброты возжелав Владыка всех, краснейшаго
твоего сердца всехваляная, небесных чертогов
сподоби тя.

Слава: На казни и болезни, и на раны
многообразныя, не утрашена, мученице,
вместилася еси: поспешающую бо имаши
благодать Спасову, возмогающую тя.

И ныне: Пречистая Богородице, воплощенно
Присносущное и Пребожественное Слово паче
естества рождшую, поем Тя.

Песнь 3

Ирмос: Ты еси утверждение притекающих к
Тебе, Господи, Ты еси свет омраченных, и поет
Тя дух мой.

Явѣлася еси на судищи мужественну душу
носящи, и врага якоже немужественна победила
еси всехваляная.

Порок в добротѣ твоѣй, ниже враска души
бысть; и тя Христос невесту в нетленныя
чертоги прият.

Слава: Исцели всехваляная души моея струпы,
мученице Христова, Валентина, и утиши твоими
молитвами жизни моея бурю.

И ныне: Тя вси стяжахом прибежище, и стѣну
нашу христиане, и Тя славословим немолчно,
Безневѣстная.

Моли Бога о нас, святая мученице, Валентино,
яко мы усердно к тебе прибегаем, скорой
помощнице и молитвеннице о душах наших.

Седален, глас 8

Кровей твоих струями, мученице Христова,
потоп нечестивым присно действуеши,
всехваляная; тучами же благодати словесныя
нивы напаяючи всегда, в нихже возвращаеши
клас веры, тем преславно и по смерти явилася
еси облак, источаючи жизни свидетельство,
страстотерпице всехваляная, Валентино, молися
Христу Богу, согрешений оставление даровати
чтущым любовью святую память твою.

Слава, и ныне, Богородичен:

Яко Дѣву и еди́ну в жена́х Тя безсе́менно ро́ждшую Бо́га плоти́ю, вси ублажа́ем ро́ди челове́честии: огнь бо всели́ся в Тя Божества́, и я́ко Младенца́ дои́ши Зиждите́ля и Го́спода. Тем а́нгельский собо́р и челове́ческий род, досто́йно сла́вим пресвято́е рождество́ Твое́, и согласно́ вопи́ем Ти: моли́ Христа́ Бо́га, прегрешений́ оставле́ние дарова́ти, досто́йно пою́щим сла́ву Твою́.

Песнь 4

Ирмос: Услы́шах, Го́споди, смотре́ния Твоего́ та́инство, разуме́х дела́ Твоя́, и просла́вих Твое́ Божество́.

Нескве́рное зерка́ло божество́нных разумений́ тебе́ саму́ю устроивши, я́ко свети́льник златоле́потнейший страда́лиц посреде́, му́ченице, возсия́ла еси́.

Мра́чному не принесла́ еси́ де́мону же́ртвы, непобедима́я му́ченице, Валентино, жизноро́дную бо возлюби́ла еси́ за благоче́стие смерть прия́ти.

Слава: Я́ко небо́лезненно но́сящи со страстоно́сцы тѣло́ непоро́чная, ра́нами нечу́вственна пребы́ла еси́, божество́нными любве́ раче́нием.

И ныне: Очищение нам даруй неведений, яко безгрешен, и умири мир Твой, Боже, молитвами Рождшия Тя.

Песнь 5

Ирмос: Утреннююще вопием Ти: Господи, спаси ны, Ты бо еси Бог наш, разве Тебе иного не вемы.

Дне и мира противоположное уведевши, ратолюбнаго демона любить не восхотела еси.

Мнев твою ослабити божественную, мученице, Валентино, любовь, смех явися, козньми вселукавый.

Слава: Подаждь ми просвещение и мир, всехвальная, решащи молитвами твоими многомятежное смущение.

И ныне: Деву по рождестве поем Тя, Богородице, Ты бо Бога Слова плотию миру породила еси.

Песнь 6

Ирмос: Ризу мне подаждь светлу, одеяйся светом яко ризою, многомилостиве Христе Боже наш.

Мужественное в женстей плоти души мудрование носящи славная, о зверех сущих в водах нерадила еси.

Победи́ла еси́ мучи́телей горды́ню, невреждéна пребы́ла еси́, мучени́це непобедима́я, и вене́ц победы́ прия́ла еси́.

Слава: Я́ко добру́, и я́ко красну́, я́ко че́стну, и я́ко де́вства заря́ми сия́ющую, тебе́ Жени́х Госпо́дь Себе́ приво́дит, пресла́вная.

И ны́не: Еди́на Слово́м плóтию Сло́во поро́ждшая, изба́ви, мо́лимся, сетей́ вра́жиих ду́ши на́ша.

Кондак, глас 2

Храм Тво́й всечестны́й, я́ко цельбу́ душе́вную обрeтше вси ве́рнии, велегласно́ вопие́м Ти, де́во мучени́це, Валенти́но, великоимени́тая: Христа́ Бо́га моли́ непреста́нно о всех нас.

Икос

Уневéстившуюся Христу́ муче́нием, Валентину́, соше́дшеся, почти́м досто́йно, я́ко да тоя́ моли́твами, душе́тлeнныя па́губы изба́вльшеся, губи́тельства, тру́са и падежа́, жити́е во смире́ние препрово́дим, сподо́бльшеся со все́ми святы́ми, от ве́ка Бо́гу благоугоди́вшими, ходи́ти во свeте, и пeти с си́ми: удиви́л еси́, Спа́се, Тво́я милости́ всем челове́ком, ве́рою хва́лящим ю́. Те́мже зове́м ей: моли́ непреста́нно о всех нас.

Песнь 7

Ирмос: От Иудеи дошедше отроцы, в Вавилоне иногда, верою Троицескою пламень пещный попраша, поюще: отцев Боже, благословен еси.

Паче ума явися божественных мучеников благомужества, Зиждитель бо всех тварь покарят во страдании зовущим : отцев наших Боже, благословен еси.

Хулящая заграді пресловущая отроковица уста мучителей, и гордыню пребеззаконных Духом Святым, божественно воспеваючи: отцев наших Боже, благословен еси.

Слава: Троица отрок преподобных разжегшия пещь древле попали; ныне же Богомудрая, Троицу поючи, слуги улови, отцев Бога поючи: Боже, благословен еси.

И ныне: Наше спасение якоже восхотел еси, Спасе, устроить, во утробу Девы вселился еси, Юже миру предстательницу показал еси, отцев наших Боже, благословен еси.

Песнь 8

Ирмос: Царя Небеснаго, Егоже поют вси ангельстии, хвалите и превозносите во вся веки.

Блаженнейшая в женах, Вышняго возмездную имущи благодать, пояше хвалящи Христа во веки вся.

Укреплена помыслом Невестника ,
невещественным рачением, тело предала еси на
смерть, и живёши во веки вся.

Слава: Тайно Жених ко пречистей невесте в
пещь пришед, духовною росю Отчим
благоволением спасл есть, поющу Христа во
веки.

И ныне: Помощи яже от Тебе требующия не
презри, Дево, поющия и превозносящия Тя во
веки.

Песнь 9

Ирмос: Тя, неискусобрачную Матерь Бога
вышняго, Тя, паче ума рождшую словом
войстинну Бога, вышшую пречистых сил,
немолчными славословлении величаем.

Течение живыя крове знамение нетленныя
свыше дарованныя тебе жизни, мученице
всехвальная, Валентино, целений бо сокровище
непрестанное черплющим явилася еси.

Коснётся тебе смерть естества законом,
богомудрая, в живоносную же мертность
нестрастно облеклась еси. Еюже яко
одушевленное твоё тело положши всечестное,
живёши нетленно, и свидетельствуют твоя
кровотечения.

Слава: Яко солнечную лучу озаряющую вся, и
яко невесту Христову предобру, яко горлицу

чистолюбивую, и яко маслину, яко кедр, яко сущую избранную голубицу, хвалим тя вси, Валентина, богоименитая.

И ныне: Невесто неискусобрачная, сосуде благовония, Ты яко истинную и непорочную, и божественнаго облак света, приемшую небесный дождь во утробе, Дево Мати, величаем.

